

# MAHINUNGDANONG MGA BUTANG PARA SA PAGPAHIULI SA IGLESIAHANONG KINABUHI

(Adlaw sa Ginoo—Unang Sesyon sa Buntag)

Mensahe 7

## Ang Kalabot sa Panagsakot aron Matinuod ang Lawas ni Cristo

Basahong Kasulatan: Rom. 12:5; 1 Cor. 6:17; 12:24, 31; 13:1-8; 10:17;  
Lev. 2:4; Efe. 3:16-17; 4:16

- I. **Ang kinahabogang punto sa pamatigayon sa Dios mao ang realidad sa Lawas ni Cristo; bug-os gyong organico ang realidad sa Lawas ni Cristo—Rom. 8:2, 6, 10-11; 12:4-5:**
  - A. Bug-os gyong gipunting sa Lawas ni Cristo ang nagkompletong pagpangalagad ni apostol Pablo—sa piho gyod, sa Roma, 1 Corinto, Efeso, ug Colosas; ang Lawas maoy kinataposang butang sa mapadayonong pagbuhat sa Dios, busa ang Lawas maoy kinalabwang punto sa tibuok pinadayag sa Dios—Rom. 12:4-5; 1 Cor. 12:12-13, 18-22; Efe. 1:22-23; 2:16; 3:6; 4:4, 12, 15-16; 5:23, 30; Col. 1:18, 24; 2:19; 3:15.
  - B. Naghisgot ang Roma 12 sa Lawas sa anggulo sa organicong pagkausa; niingon ang v. 5 nga, “Kita bisan daghan usa ra ka Lawas diha ni Cristo”:
    1. Tulo (duha ra sa English) ka pulong ning versiculoha ang nagpakita sa organicong pagkausa—*diha ni Cristo*; may kalabotan sa organicong pagkausa ang “diha ni Cristo”—itandi sa Juan 3:16; Rom. 6:3-6; 11:17, 19; 16:7-10; 1 Cor 1:30; 2 Cor. 2:17; 5:17; 12:2; Gal. 3:27.
    2. Usa ta ka Lawas diha ni Cristo, organicong nausa Niya; nagpausa kini nato Niya ug sa tanang ubang bahin sa Iyang Lawas diha sa kinabuhi; kon magpabilin ta ning organicong pagkausa, sa pagkatinuod, nagkinabuhi ta diha sa Lawas ni Cristo—Rom. 8:16; 1 Cor. 6:17; 2 Tim. 4:22; Rom. 8:4-6.
    3. Ang pagkatinuod sa Lawas ni Cristo naa sa pagpabilin nato sa organicong pagkausa ni Cristo; gipadayag sa Juan 15:1-11 nga si Cristo ang tinuod nga punoan sa paras ug kita ang Iyang mga sanga; isip mga sanga ni Cristo, magpabilin gyod ta Niya, nga nagpasabot lang nga magpabilin sa organicong pagkausa nato ni Cristo—vv. 4-5; itandi sa 8:31; 15:7.
- II. **Alang sa pagtukod sa Lawas ni Cristo ang pahiuli sa Ginoo; busa, ang pagkaila sa Lawas maoy hustong pahiuli sa Ginoo—1 Cor. 12:27; Efe. 4:16; Col. 3:15:**
  - A. Ang Lawas ni Cristo maoy organicong butang sa iglesia; kon wala ang Lawas ni Cristo, walay kinabuhi ang iglesia ug maorganisasyon sa tawo ra kini—1 Cor. 1:2; 12:12-13, 27.
  - B. Ang Lawas maoy tiunayng kahulogan sa iglesia; kon wala ang Lawas walay kahulogan ang iglesia—Rom. 12:4-5; 16:1, 4, 16.
  - C. Motabon ug motukod ang gugma, busa ang gugma maoy labing maayong paagi nga mahimo tang bisan unsa ug mobuhat og bisan unsa aron matukod ang Lawas ni Cristo—1 Cor. 8:1; 12:31; 13:1-8, 13.
  - D. Mag-atimanay ug maghigugmaay gyod ang mga anciano aron mahimong sumbanan sa kinabuhi sa Lawas; maghigugmaay gyod ang mga anciano, maghigugmaay gyod ang ilang mga asawa, ug higugmaon gyod nila ang mga anak sa usag usa—Juan 21:15-17; 1 Cor. 13:4-8.

- E. Kon buot tang maanaa ang realidad sa Lawas ni Cristo, pabalayon gyod nato si Cristo sa atong kasingkasing; ang realidad sa Lawas mao ang sulodnong pagsinati nato ni Cristo nga nagpuyo-sa-sulod—Efe. 3:16-17; 4:16; Col. 1:27; 3:4, 15.
- F. Dinaliang gikinahanglan sa Ginoo nga mapadayag ang realidad sa Lawas ni Cristo sa mga iglesia lokal; kon walay igong pagpadayag sa Lawas, dili mobalik si Ginoong Jesus—Efe. 1:22-23; 4:16; 5:27, 30; Bug. 19:7.
- G. Gikinahanglan sa Ginoo ang mga mananaog nga motuman sa pamatigayon sa Dios aron mabatonan ang Lawas ni Cristo ug malaglag ang Iyang kaaway; kon wala ang mga mananaog dili matukod ang Lawas ni Cristo, ug kon dili matukod ang Lawas ni Cristo, dili makabalik si Cristo alang sa Iyang pangasaw-onon—Efe. 1:10; 3:10; Bug. 12:11; 19:7-9.

**III. Ang pahiuli sa Ginoo pagtukod man sa Sion—ang mga mananaog nga realidad sa Lawas ni Cristo nga mahingpit sa Bag-ong Jerusalem; diha sa iglesiahanong kinabuhi maningkamot gyod ta nga makaabot sa Sion karon—Efe. 1:22-23; 4:16; 1 Cor. 1:2; 12:27; Bug. 14:1; 21:2:**

- A. Isip labing maayo ug katahom sa balaang syudad, sa Jerusalem, naghulagway ang Sion sa mga mananaog nga kinahabogang punto, sentro, pagpausbaw, paglig-on, pagpadato, katahom, ug realidad sa iglesia—Sal. 48:2, 11-12; 50:2; 20:2; 53:6; 87:2.
- B. Naghulagway sa tibuok iglesia ang Jerusalem, samtang naghulagway sa mga mananaog sa iglesia ang Sion; maghisgot ngani ang Daang Tugon sa relasyon sa Sion ug sa Jerusalem, magpakita kini kanato nga gikan sa Sion ang kinaiya, kinabuhi, panalangin, ug pagkatukod sa Jerusalem—1 Hari 8:1; Sal. 51:18; 102:21; 128:5; 135:21; Isa. 41:27; Joel 3:17.
- C. Ang Bag-ong Jerusalem maoy kinatibuk-an sa mga mananaog; ang salin sa mga magtutuo sa Ginoo, ang mas unang mga mananaog, mao unya ang pangasaw-onon ni Cristo sa usa ka libo ka tuig (Bug. 19:7-9; 20:4-6); moduyog dayon sila sa ubang magtutuo sa Ginoo, sa ulahing mga mananaog, aron mahimong asawa ni Cristo sa eternidad—21:1-3, 7:
  - 1. Ang mas unang mga mananaog, isip realidad sa Sion sulod sa Jerusalem, ang realidad sa Lawas ni Cristo sulod sa iglesia, dunay mga dagkong dalan paingon sa Sion diha sa ilang kasingkasing; gidawat nila ang dalan sa iglesia sa sulod sa pagkatagik nila sa Dios nga puluy-anan nila pinaagi sa gilansang sa krus nga Cristo, nga gihulagwayan sa tumbagang halaran isip salag nila nga kadangpan nila, ug pinaagi sa nabanhawng Cristo diha sa pagkayab, nga gihulagwayan sa halaran sa incienso isip panimalay nila nga kapahulayan nila—Sal. 48:2; 84:3-5; itandi sa Prov. 27:8.
  - 2. Ang pagdaog nagpasabot nga gihigugma nato ang Ginoo labaw sa atong kaulingon, labaw sa atong kinabuhi-sa-kalag; nakaila ug nahigugma ra ni Cristo ang mananaog alang sa realidad sa Lawas ni Cristo—Fil. 3:10; 4:12; Bug. 2:4-5, 7; 12:11.
  - 3. Nagpaabot ang Ginoo og grupo sa mga mananaog nga magkinabuhi sa realidad sa Lawas ni Cristo diha sa pagkabanhaw aron mahimong pangasaw-onon ni Cristo nga magpabalik Niya ug magpadangat sa panahon sa Iyang gingharian; tungod niini moampo gyod ta nga, “Ginoo, kaluy-an ug grasyahan unta ko Nimo nga mahimong usa sa Imong mga mananaog.”

**IV. Gisakot pag-usa sa Dios ang Lawas (1 Cor. 12:24); nagpasabot ang pulong *gisakot* og “gipahiangay,” “giharmoniya,” “gipahaom,” ug “gisagol,” nga nagpasabot og pagkawala sa mga nakalahi:**

- A. Aron masakot alang sa realidad sa Lawas ni Cristo, moagi gyod ta sa krus ug mapinaagi sa Espiritu aron magpaambit og Cristo sa uban para matukod ang Lawas ni Cristo.
- B. Nagpasabot ang panagsakot nga mohunong gyod ta aron makig-ambitay sa uban; dili gyod ta mobuhat og bisan unsa nga dili makig-ambitay sa ubang balaan nga nakigtambayayongay nato, kay mopahiangay, moharmoniya, mopa-haom, ug mosagol man nato ang pakig-ambitay—itandi sa Ezeq. 1:12 ug nota 1.
- C. Sige tingaling nagtigom ang grupo sa nangakong mga brother apan wala diay masakot; nagpasabot ang pagkasakot nga natandog ta sa uban ug nakatandog ta nila sa pag-agi nato sa krus, pagbuhat sa mga butang pinaagi sa Espiritu, ug pagbuhat sa tanan nga magpaambit og Cristo tungod ug alang sa Iyang Lawas.
- D. Dili pakighigalaay kanang panagsakota kondili panagsakot ni Cristo mismo nga napahimuslan, nasinati, ug naambitan sa tagsatagsa ka bahin, sa mga iglesia sa distrito, sa mga masigka-magbubuhay, ug sa mga anciano—itandi sa 1 Cor. 1:9
- E. Mosunod gyod ta sa ginawian sa apostol sa pagdala sa tanang balaan sa kinabuhing nakigsakot sa tibuok Lawas ni Cristo; gidala ta sa apostol sa kinabuhing nakigsakot sa tibuok Lawas ni Cristo sa mga pagrekomendar ug pagpangumosta aron madugmok sa Dios sa kalinaw si Satanas ilalom sa atong mga tiil, ug aron makapahimuslan ta sa datong grasya ni Cristo—Rom. 16:1-16, 21-23, 20:
  - 1. Ang tuyo sa panagsakot paghatod man kanatong tanan sa realidad sa Lawas ni Cristo; maanaa gyod ta sa mga iglesia lokal isip pamaagi nga maghatod nato sa realidad sa Lawas ni Cristo nga tumong.
  - 2. Ang kinahabogang punto sa pahiuili sa Ginoo nga tinuod, praktikal, ug aktwal gyong makatuman sa pamatigayon sa Dios dili man pisikal nga pagpalugwa sa Dios og daghang iglesia lokal kondili sa organicong Lawas nga mahimong organismo Niya.
  - 3. Ang hunahuna ni Pablo sa iglesia nga usa ka tinapay (1 Cor. 10:17) dili man kaugalingong imbensyon niya; gikuha hinuon kini sa Daang Tugon nga dunay halad nga lugas (Lev. 2:4); gisagolag lana ang tanang bahin sa harina sa halad nga lugas—panagsakot kana.
  - 4. Halos walay namulong bahin sa panagsakot kay dili lang kini habog ug lalom kaayo kondili misteryoso sab kaayo; dili kini pisikal nga butang; ang kahulogan sa panagsakot nato mao ang realidad sa Lawas ni Cristo.
  - 5. Ang panagsakot aron man matukod ang unibersoanong Lawas ni Cristo (Efe. 1:23) nga maghingpit sa Bag-ong Jerusalem (Bug. 21:2) isip kataposang tumong sa pamatigayon sa Dios segun sa gikahimut-an Niya (Efe. 3:8-10; 1:9-10).

**V. Ang gitinguha sa kasingkasing sa Dios mao nga makopya ang realidad nga naa ni Jesus, ang Dios-tawong pagkinabuhi ni Jesus nga girekord sa upat ka Ebanghelyo, diha sa daghang bahin sa Lawas ni Cristo pinaagi sa Espiritu sa realidad aron mahimong realidad sa Lawas ni Cristo, sa kinahabogang punto sa pamatigayon sa Dios—Efe. 4:20-24, 3-4:**

- A. Ang realidad sa Lawas ni Cristo mao ang Espiritu sa realidad, nga mao ang Espiritu ni Jesus, nga nasagol sa atong espiritu; naglakip ang Espiritu ni Jesus sa realidad nga naa ni Jesus, sa Dios-tawong pagkinabuhi ni Jesus—Juan 16:13; Buh. 16:7; Rom. 8:16; 1 Cor. 6:17; Fil. 1:19-21.
- B. Magkinabuhi ngani ta sa nasagol nga espiritu, nagkat-on ta ni Cristo segun sa realidad nga naa ni Jesus pinaagi sa Espiritu sa realidad segun sa sumbanan Niya sa upat ka Ebanghelyo aron mahimong kasaysayan nato ang biyograpiya

Niya; ang pagkinabuhi sa Lawas ni Cristo nga bag-ong tawo sama gyod unta sa pagkinabuhi ni Jesus nga gipadayag sa upat ka Ebanghelyo—Efe. 1:17; 2:22; 3:5, 16; 4:23; 5:18; 6:18; Gal. 6:17-18; Rom. 1:1, 9; Fil. 2:5.

- C. Ang realidad sa Lawas ni Cristo mao ang hiniusang pagkinabuhi sa nahingpit nga mga Dios-tawo, nga tinuod nga mga tawo apan wala magkinabuhi sa ilang kinabuhi kondili sa kinabuhi sa nahikay nga Dios, kansang mga kaayo napa-dayag pinaagi sa maayong kagawian nila—4:5-9.
- D. Ang realidad sa Lawas ni Cristo mao ang nakigsagol nga pagkinabuhi sa walay kataposang pagkausa sa gipanganak pag-usab, gitransporma, ug gihimayang mga Dios-tawo nga may tulo ka bahin ug sa Tulo-usang Dios diha sa pagkabanhaw ni Cristo—Lev. 2:4-5; Sal. 92:10; 1 Cor. 12:12; 10:17:
  - 1. Gigamit nato ang pulong *nakigsagol* kay nagpadayon pa man kining pagkinabuhia.
  - 2. Naa sa pagkabanhaw ni Cristo kanang nakigsagol nga pagkinabuhi, ug ang realidad ning pagkabanhaw mao ang Espiritu; nagpaambit kining pagkabanhawa sa nahingpit nga Dios ug nagpagula sa kinabuhing modaog-sa-kamatayon nganha sa mga magtutuo.
- E. Kining hiniusa ug nakigsagol nga pagkinabuhi sa nahingpit nga mga Dios-tawo sa katapusan mahingpit sa Bag-ong Jerusalem sa bag-ong langit ug bag-ong yuta isip pagdako ug pagpadayag sa Dios sa eternidad—Bug. 21:2-3, 9-11, 22.